

সূচিপত্র

- এ বই যাদের জন্য : ১৩
টার্গেট : ১৪
জীবন পরিবর্তন : ১৫
কাইস, তোমার লায়লা কোথায়?! : ১৬
আলোচনায় যাওয়ার আগে : ১৭
অবতরণিকা : ১৯
মানুষ দুধরনের : ২৩
ইশক ও মহব্বতের মাঝে পার্থক্য : ২৫

প্রথম অধ্যায় : জান্নাত কেন?

১. আমাদের প্রথম বাড়ি : ২৯
ক. জন্মভূমির প্রতি আগ্রহ : ৩০
খ. দীর্ঘ আশা না রাখা : ৩২
গ. স্বদেশ পরিচিতি : ৩৪
ঘ. গুরবত (অপরিচিত হওয়া) : ৩৭
২. জীবনের অপর নাম ব্যবসায়িক চুক্তি : ৩৮
অর্পণ করুন এবং গ্রহণ করুন!! : ৪১
সাহাবিগণ আগেই নিজেদের বিক্রি করেছিলেন! : ৪৪
অন্যজন নিজেকে শত্রুর কাছে বিক্রি করে দিয়েছে! : ৪৫
জেনে রাখুন... সহজ হবে : ৪৭
যৌক্তিক সংযোগ : ৪৯
হে দুনিয়াপ্রেমী : ৫১
ভালোবাসার সাগরে! : ৫২
আকাজ্জফার চারা রোপণ : ৫৩

দ্বিতীয় অধ্যায় : জান্নাতের নিয়ামত

জান্নাতের প্রথম দৃশ্য : ৬২

জান্নাত কী? : ৬৪

প্রথমত, দৈহিক ও বস্তুগত উপভোগ : ৬৫

১. চিরস্থায়ী হওয়া : ৬৫
২. ক্লাস্তির প্রশ্রয় : ৭৩
৩. জান্নাতের সর্বনিম্ন নিয়ামত : ৭৫
৪. জান্নাতের দরজাসমূহের প্রশস্ততা : ৮২
৫. জান্নাতের দরজাগুলো খোলা কেন? : ৮৪
৬. আপনি যা-ই চাইবেন : ৮৫

দ্বিতীয়ত, চোখের স্বাদ : ৯০

১. আয়তলোচনা হ্র : ৯০
২. আল্লাহর দিদার : ৯৫

তৃতীয়ত, আধ্যাত্মিক স্বাদ : ১০১

১. দুশ্চিন্তার বিদায় : ১০১
২. ক্রোধ ও হিংসার বিদায় : ১০৩
৩. ভয় দূর হয়ে যাওয়া : ১০৫
৪. আল্লাহর ক্রোধের সমাপ্তি : ১০৬

চতুর্থত, যা গোপন আছে, তা আরও বিশাল : ১০৯

তৃতীয় অধ্যায় : মূল্য পরিশোধের পূর্বে

১. কথায় নয়, কাজে প্রমাণ : ১১৩
২. ক্ষতিকর মুহূর্ত : ১১৮
৩. বিস্ময়কর বিষয় : ১২০
৪. সবার এক বিরল আমল : ১২২
৫. জান্নাতের স্থানসমূহ নির্ধারিত : ১২৮
৬. হয়তো জান্নাত, নয়তো জাহান্নাম : ১৩১
৭. তোমরা আল্লাহর কাছে ফিরদাওস প্রার্থনা করো! : ১৩৪
৮. বাধা-বিপত্তি ও প্রতিবন্ধকতা : ১৩৬
৯. আল্লাহর অনুগ্রহ, আপনার শ্রেষ্ঠত্ব নয় : ১৪০
১০. আপনি নিজের মর্যাদার স্তর ঠিক করে নিন : ১৪৩
১১. অগ্রবর্তীদের কাফেলায় : ১৪৭

চতুর্থ অধ্যায় : লায়লার প্রেমিকগণ

প্রথমত, জিকির : ১৫৭

প্রথম প্রকার : নির্ধারিত কিছু জিকির : ১৬০

১. সাইয়িদুল ইসতিগফার : ১৬০
২. মর্যাদাবান দুআ : ১৭১
৩. বাজারে প্রবেশের দুআ : ১৯১
৪. জান্নাত প্রার্থনা : ১৯৫

দ্বিতীয় প্রকার : জিকির অনেক ধরনের : ১৯৭

দ্বিতীয়ত, সালাত : ২০২

তৃতীয়ত, সিয়াম : ২০৭

চতুর্থত, আল্লাহর পথে ব্যয় করা ॥ ২০৯

তারা বিনিময়ে জান্নাত গ্রহণ করেছেন! ॥ ২১১

পঞ্চমত, আল্লাহর পথে জিহাদ করা ॥ ২১৫

আমর নাকি হিশাম ॥ ২১৭

অন্য রকম ভালোবাসা! ॥ ২১৮

শহিদদের সর্দার হলেন নবি! ॥ ২১৯

আহ, নারীদের আত্মসম্মান! ॥ ২২০

ষষ্ঠত, মুসলিম পরিবার ॥ ২২২

১. পিতা ॥ ২২২

২. মাতা ॥ ২২৪

৩. কন্যা-সন্তান ॥ ২২৮

৪. স্বামী ॥ ২২৯

সপ্তমত, উত্তম চরিত্র ॥ ২৩১

বাজার ও মন্দ ॥ ২৩৩

সর্বশেষ... মানুষের সাক্ষ্য ॥ ২৩৫

পঞ্চম অধ্যায় : অন্য দল জান্নাত বিক্রি করে দিয়েছে

প্রথম জান্নাত-বিক্রেতা : সৌন্দর্য প্রদর্শনকারী নারী ॥ ২৪২

দ্বিতীয় জান্নাত-বিক্রেতা : মন্দ প্রতিবেশী ॥ ২৪৪

তৃতীয় জান্নাত-বিক্রেতা : রুগ্ন হৃদয়ের অধিকারী ॥ ২৪৬

চতুর্থ জান্নাত-বিক্রেতা : অহংকারী ॥ ২৪৯

পঞ্চম জান্নাত-বিক্রেতা : চোগলখোর ॥ ২৫২

ষষ্ঠ জান্নাত-বিক্রেতা : হারাম ভক্ষণকারী ॥ ২৫৬

সপ্তম জান্নাত-বিক্রেতা : প্রতারক শাসক ॥ ২৫৮

ষষ্ঠ অধ্যায় : মনকে জান্নাতের দিকে ধাবিত করা

জান্নাত সবার আগে :: ২৬১

১. গোড়া থেকে শুরু করুন :: ২৬৪

২. শুরুটা কঠিন :: ২৬৫

৩. আট পথ :: ২৬৭

৪. জান্নাতের প্রতি পথ-নির্দেশকারী জান্নাতে প্রবেশ করবে :: ২৭০

৫. ঝেড়ে ফেলুন :: ২৭০

৬. ইচ্ছা ও সক্ষমতা :: ২৭১

৭. ওপরের দিকে নজর দিলেও শান্তি মিলে :: ২৭২

৮. ওজর ছেড়ে দিন :: ২৭৭

৯. নিজের গুনাহকে কাজে লাগান :: ২৭৫

১০. স্থায়ী ফল লাভ :: ২৭৭

১১. গাইরত এখানে :: ২৭৮

বিচ্ছেদে অশ্রুসিক্ত হোন! :: ২৮১

এই কিতাব কখন ফলদায়ক হবে? :: ২৮৭



بِسْمِ اللَّهِ الرَّحْمَنِ الرَّحِيمِ

এ বই যাদের জন্য

- যে স্থায়ী আবাসের ওপর অস্থায়ী আবাসকে এবং সুস্থতার ওপর অসুস্থতাকে প্রাধান্য দিয়েছে। যে বিশাল সমুদ্রের বিনিময়ে সংকীর্ণ কূপ কিনেছে। যার মুক্ততা অপূর্ব হ্রের পরিবর্তে সাধারণ গায়িকাদের মাঝে সীমাবদ্ধ হয়ে গেছে।
- যারা বিপদগ্রস্ত, তাদের জন্য এ বই। এ বই তাদের অন্তরের প্রশান্তির পথ তৈরি করবে এবং তাদেরকে মুক্তির পথ দেখাবে, সর্বোচ্চ প্রতিদান ও সর্বোত্তম পুণ্যের কথা মনে করিয়ে দেবে।
- যারা অটেল সম্পদের অধিকারী, এ বই তাদের জন্য। এ বই তাদের সতর্ক করবে যে, সবচেয়ে বড় বিলাসিতা ও উপভোগের বস্তু ওপারে তাদের প্রতীক্ষায় আছে।
- যারা আনুগত্যশীল, তাদের জন্য এ বই। এ বই তাদের অন্তরকে স্থির রাখবে, সমকালীন ফিতনার সয়লাব, প্রবৃত্তির উন্মত্ততা ও ভ্রাতৃদের ভ্রষ্টতা প্রতিরোধে শক্তি জোগাবে।
- যারা দ্বীনের দায়ি, তাদের জন্য এ বই। যারা মানবজাতিকে সঠিক পথ দেখাতে মাথার ঘাম পায়ে ফেলছেন, অক্লান্ত পরিশ্রম করে যাচ্ছেন, নবী-রাসুলদের পদচিহ্ন অনুসরণের কারণে তারা যে কষ্টের সম্মুখীন হচ্ছেন, সেসব ক্লান্তি ও কষ্টে এ বই তাদের প্রশান্তি দেবে।
- জ্ঞানী-উদাসীন, অনুগত-অবাধ্য, পাপী-তাপী, আমার-আপনার-তার সবার জন্য এ বই।

প্রিয় পাঠক, আমি আপনাদের জান্নাতের আঙিনায় আনন্দ ভ্রমণ ও অনুপম বিনোদনে নিয়ে যাচ্ছি আনন্দ ও স্বাদ উপভোগের আশায়। আশা করি আপনারা সে আনন্দ পাবেন, সফল হবেন। আসমান ও জমিনসম প্রশস্ত জান্নাত কীভাবে আমাদের জন্য সংকীর্ণ হতে পারে? কেনই বা সব বস্তুকে ঘিরে থাকা আল্লাহর রহমত আমাদের অন্তর্ভুক্ত করবে না?! তাই হতাশা ঝেড়ে ফেলে আশায় বুক বাঁধুন! আশায় মেওয়া ফলবে, জান্নাত আপনার নিবাস হবে!





কাইন্স, তোমার লায়লা কোথায়?!

هَلْ هِيَ فِي سَاحَاتِ الْبَدْلِ وَحَلْبَةِ الْمُجْتَهِدِينَ

أَوْ هِيَ

فِي آهَاتِ الْمُحِبِّينَ وَزَفَرَاتِ الْعَاشِقِينَ

هَلْ فِي دُمُوعِ السَّجَدَاتِ وَثَنَايَا الْخَلَوَاتِ

أَمْ هِيَ

فِي لَهْوِ التَّجَارَاتِ وَأَمْوَالِ الشُّبُهَاتِ

هَلْ هِيَ فِي هُمُومِ الْمُسْلِمِينَ وَنُصْرَةِ الدِّينِ

أَمْ هِيَ

فِي أَحْوَالِ اللَّاهِيْنَ وَالتَّجُومِ الزَّائِفِينَ!؟

‘সে কি সাধনা আর পরিশ্রমে মেলে—না প্রেমিকদের বোবাকান্নায় কিংবা সক্রমণ দীর্ঘশ্বাসে? সে কি আছে বিষণ্ণ নির্জন প্রহরে সিজদার অশ্রুমালায়—না ব্যবসার খেলায় দেদারসে কামানো অটেল সম্পদে? সে কি আছে উম্মাহর কল্যাণচিন্তায় আর দ্বীনের নুসরতের মাঝে—না খেল-তামাশা ও মিথ্যা চাকচিক্যে?’

فَقَالَ خَلِيلِي إِذْ رَأَى الدَّمَعَ دَائِمًا *** يَفِيضُ دَمًا مِنْ مُقْلَتِي لَيْسَ يُدْفَعُ

لَئِنْ كَانَ هَذَا الدَّمَعُ يَجْرِي صَبَابَةً *** عَلَى غَيْرِ لَيْلِي فَهُوَ دَمْعٌ مُضِيعٌ

‘আমার চোখে অবিরাম অবাধ্য অশ্রুধারা দেখে আমার বন্ধু বলে, “লায়লা ভিন্ন অন্য কারও প্রেমে যদি এই অশ্রু প্রবাহিত হয়, তবে অনর্থক এই অশ্রুবিসর্জন।”



আলোচনায় যাওয়ার আগে

এ বইটি বাস্তবতা এড়িয়ে কল্পনার বিলাস নয়। বাস্তব দুনিয়া থেকে আলাদা করে দেয় এমন কোনো কিছুও নয়। বরং এটি হলো আখিরাতে সমীকরণে দুনিয়ার বিষয়াদি সমাধান করা। আখিরাতে ছায়াতলে বর্তমান জগৎকে সংশোধন করা। আল্লাহ তাআলা আপনাকে যে জগৎ আবাদ করার আদেশ করেছেন, সর্বোচ্চ প্রতিদান ও সাওয়াবের আশায় বুক বেঁধে সে জগৎকে নিজের জন্য আবাদ করা।

আমার এই লেখার উদ্দেশ্য দুনিয়াকে চিন্তাজগৎ থেকে বের করে দেওয়া নয়; বরং দুনিয়াকে তার আসল জায়গায় রাখা। কারণ দুনিয়া হলো সে বাজার, যেখান থেকে জান্নাত ক্রয় করতে হয় এবং অর্জন করতে হয় প্রভুর সন্তুষ্টি। তাই দুনিয়াতে আপনাকে সে সুযোগের অপেক্ষায় ওত পেতে থাকতে হবে, যে সুযোগের সদ্যবহার আপনাকে জান্নাতে পৌঁছে দেবে।

এই বই শুধু মৃত্যু বা মৃত্যু-পরবর্তী জীবন নিয়ে রচিত নয়; বরং এ বই জীবন ও জীবনের পূর্ণতা নিয়ে রচিত।

কেন আপনি নিজের দায়িত্ব-কর্তব্য পালন করবেন? কেন আপনার পড়াশোনায় দক্ষতা অর্জন করবেন? কেন নিজের ব্যবসায় সফলতা লাভ করবেন? কেন নিজ পরিবারকে সচ্ছল করবেন? কেন আত্মীয়তার সম্পর্ক বজায় রাখবেন? এ সবই করবেন আল্লাহর আনুগত্য হিসেবে, তাঁর দ্বীনের সাহায্যার্থে এবং তাঁর বান্দাদের খিদমতে। আর যে শক্তি আপনাকে এ সকল দায়িত্ব-কর্তব্য পালনে উৎসাহিত করবে, সেটা হচ্ছে আল্লাহর সন্তুষ্টি কামনা ও তাঁর কাছ থেকে পুরস্কার প্রাপ্তির আশা ও হৃদয়প্রশান্তকারী জান্নাতুল ফিরদাওস। সে জন্য আল্লাহ তাআলা আমাদের সহায় হোন।





بِسْمِ اللَّهِ الرَّحْمَنِ الرَّحِيمِ

অবতরণিকা

إن الحمد لله نحمده ونستعينه ونستغفره، ونعوذ بالله من شرور أنفسنا
ومن سيئات أعمالنا، من يهده الله فلا مضل له، ومن يضلل فلا هادي
له، وأشهد أن لا إله إلا الله وحده لا شريك له، وأشهد أن محمدا عبده
ورسوله

আল্লাহ তাআলা বলেন :

يَا أَيُّهَا الَّذِينَ آمَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ

‘হে ইমানদারগণ, আল্লাহকে যেমন ভয় করা উচিত ঠিক তেমনিভাবে
ভয় করতে থাকো এবং অবশ্যই মুসলিম না হয়ে মৃত্যুবরণ করো
না।’^২

يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَاحِدَةٍ وَخَلَقَ مِنْهَا
زَوْجَهَا وَبَثَّ مِنْهُمَا رِجَالًا كَثِيرًا وَنِسَاءً ۗ وَاتَّقُوا اللَّهَ الَّذِي تَسَاءَلُونَ بِهِ
وَالْأَرْحَامَ ۚ إِنَّ اللَّهَ كَانَ عَلَيْكُمْ رَقِيبًا

‘হে মানুষ, তোমাদের রবকে ভয় করো; যিনি তোমাদের এক ব্যক্তি
(আদম) থেকে সৃষ্টি করেছেন এবং তার থেকে তার সঙ্গিনীকে
সৃষ্টি করেছেন। আর ওই দুজন থেকে অনেক নর-নারী (সৃষ্টি করে
পৃথিবীতে) ছড়িয়ে দিয়েছেন। আর তোমরা আল্লাহকে ভয় করো,
যাঁর নামে তোমরা একে অপরের নিকট (অধিকার) চেয়ে থাকো এবং
সতর্ক থাকো আত্মীয়-জ্ঞাতীদের ব্যাপারে। নিশ্চয় আল্লাহ তোমাদের
ওপর তীক্ষ্ণ দৃষ্টি রাখেন।’^৩

يَا أَيُّهَا الَّذِينَ آمَنُوا اتَّقُوا اللَّهَ وَقُولُوا قَوْلًا سَدِيدًا - يُصْلِحْ لَكُمْ أَعْمَالَكُمْ
وَيَغْفِرْ لَكُمْ ذُنُوبَكُمْ ۗ وَمَنْ يُطِيعِ اللَّهَ وَرَسُولَهُ فَقَدْ فَازَ فَوْزًا عَظِيمًا

২. সুরা আলি ইমরান, ৩ : ১০২।

৩. সুরা আন-নিসা, ৪ : ১।



‘হে ইমানদারগণ, তোমরা আল্লাহকে ভয় করো এবং সঠিক কথা বলো। তিনি তোমাদের আমল আচরণ সংশোধন করবেন এবং তোমাদের পাপসমূহ ক্ষমা করবেন। যে কেউ আল্লাহ ও তাঁর রাসুলের আনুগত্য করে, সে অবশ্যই মহাসাফল্য অর্জন করল।’^৪

ইমানের কিছু স্টেশন রয়েছে। মানুষ দুনিয়াতে এসব স্টেশন থেকে পাথেয় সংগ্রহ করে এবং আখিরাতের জন্য কল্যাণকর এমন প্রতিটি জিনিসের মাধ্যমে নিজের হৃদয়কে পুনরুজ্জীবিত করে। আল্লাহ তাআলার বিশাল অনুগ্রহ যে, তিনি এমন অনেক স্টেশন তৈরি করে দিয়েছেন, যেখানে আমরা নিজেদের পবিত্র করি। ফলে ক্লান্ত বা বিচ্ছিন্ন হয়ে পড়ি না। এর মাঝে নিম্নের বিষয়গুলো রয়েছে :

- মৃত্যুর স্মরণ।
- আল্লাহ তাআলার নাম ও গুণাবলি নিয়ে তাদাব্বুর করা।
- বান্দার প্রতি আল্লাহর অসীম ভালোবাসা ও অপার অনুগ্রহ নিয়ে চিন্তা করা।
- আল্লাহ তাআলা সর্বদা আমাদের পর্যবেক্ষণ করছেন, এ অনুভূতি জাগরুক রাখা।
- আখিরাতের পূর্বে দুনিয়াতেই নেক কাজসমূহের সুফল প্রত্যক্ষ করা।
- ধ্বংসাত্মক গুণাহের পরিণাম নিয়ে ভাবা।

ইমান বৃদ্ধি ও মিজানের পাল্লা ভারী করার অন্যতম মাধ্যম হলো জান্নাত ও জাহান্নামের স্মরণ। দ্বীনের পথে চলার ক্ষেত্রে সবচেয়ে গুরুত্বপূর্ণ দুটি বিষয় হলো জান্নাত ও জাহান্নামের স্মরণ। পাপাচারে নিমগ্ন হৃদয়ের চিকিৎসায় সবচেয়ে সফল ওষুধ হলো জান্নাত ও জাহান্নামের কথা চিন্তা করা। এর মাধ্যমে গুণাহের তীব্রতা ও প্রবৃত্তির মন্দ কামনাবাসনা হ্রাস পায়। মুমিনের চূড়ান্ত গন্তব্য ও মহান লক্ষ্য জান্নাতে পৌঁছানোর জন্যই আল্লাহর তাওফিকে আমার এই কিছু লেখা। (জান্নাত সম্পর্কে কিছু আলোচনা) এখন শুরু করছি... আর আল্লাহ তাআলাই শ্রেষ্ঠ সাহায্যকারী।

৪. সূরা আল-আহজাব, ৩৩ : ৭০-৭১।





হায়, কীভাবে তারা নৈকট্য পেল আর আমরা বিদূরিত হলাম?! হায়, আফসোস! কীভাবে তারা নৈকট্য পেল আর আমরা বিতাড়িত হলাম?! হায়, আমরা কতটা নির্জীব হয়ে পড়লাম! কোথায় না পাওয়ার বেদনার আর্তনাদ?! কোথায় বিচ্ছেদের অশ্রু?! কোথায় অপূর্ণ আশার আক্ষেপ?! কোথায় অনুতাপ?! মানুষ জান্নাতে প্রাসাদের পর প্রাসাদ গড়ছে—একের পর এক হ্র নিজের নামে লিখিয়ে নিচ্ছে আর তুমি নশ্বর দুনিয়ার পেছনে ছুটে চলছ! হায়, তুমি কি ভুলে গেছ?! জান্নাত হলো নববধূর মতো, যার ওপর অন্য কোনো কিছুকে অগ্রাধিকার দেওয়া যায় না। এমনকি এক মুহূর্তও তার থেকে দূরে থেকে মনে হবে আর যেন তর সইছে না। এমন পরম আকাঙ্ক্ষিত জান্নাত থেকে কীভাবে, বলো কীভাবে আমরা দূরে সরে যেতে পারি?!

প্রেমে পড়ার পর কীভাবে প্রেমিকের অভিধানে ঘুম শব্দটি থাকতে পারে?! প্রেমের তাড়নাই তো তাকে নির্ঘুম রাত কাটাতে বাধ্য করবে। হৃদয়ের গভীরে যার স্থান, যার সাথে কিছু দিন কাটিয়েছি, তার থেকে দূরে অবস্থান করে বহুদিন এ দুনিয়ায় পরবাসে রয়েছি, কীভাবে তাকে না পাওয়ার বেদনা ভুলে থাকতে পারি?! শোনো, যে প্রেমিকের অভিধানে এখনো ঘুম শব্দটি রয়েছে, সে তুমি, আর তোমার মতো মানুষ জান্নাতের উপযোগী নয়।

শোনো, প্রভাতের আলো ফোটার আগে রাত সবচেয়ে বেশি আঁধার থাকে। দৃষ্টিশক্তি থাকার পর অন্ধ হয়ে যাওয়া সবচেয়ে বেদনাদায়ক। মিলনের পরের বিচ্ছেদ সবচেয়ে কঠিন।

مَا كُنْتُ أَعْرِفُ مَا مِقْدَارُ وَضَلِكُمْ

حَتَّى هَجَرْتُ وَبَعَضُ الْهَجْرِ تَأْدِيبُ

‘যতদিন আসেনি বিরহ, বুঝতে পারিনি মিলনের মর্যাদা। কিছু বিচ্ছেদ আমাদের শেখায় মিলনের মূল্য কত?’

হে অবাধ্য সম্প্রদায়, তোমরা মুখ ফিরিয়ে নিচ্ছ; অথচ তিনি তোমাদের সাগ্রহে গ্রহণ করেন! তোমরা গুনাহ নিয়ে তাঁর সামনে আত্মপ্রকাশ করছ; অথচ তিনি তোমাদের গুনাহ গোপন করে চলেছেন! তোমরা নিজেদের দূরে সরিয়ে

